

In Catering

Tenielstok

Bewarking: Sjoukje Oosterloo

In catering

van Ton Eistgeest

ommezet in 't Stellingwarfs deur: Sjoukje Oosterloo.

3 vrouwluden, 4 manluden

Tenieluutgeverijje Grosfeld bv-Berlicum

Decor:

Et stok speelt him of in de keuken van de rieke familie Laarmans. In et huus van de familie wodt die aovend een grote receptie hopen waor alderhaande rieke en belangrieke gaasten heur opwachting maeken zullen. Et betreft een grote keuken mit links de buterdeure en rechts twie appatte deuren naor ere vertrekken in et huus. Neudzaekelik bin een grote keukentaofel en een peer stoelen, veur et overige is de indieling van de keuken naor eigen smaek en keuze. Bedaenk wel dat et hier om een rieke familie gaot.

Rolverdieling: 3 vrouwluden, 4 manluden.

Ed: (plm.40 jr) De caterer, die onder de naeme Eduardo catering services een klus anneumen het bij de rieke familie. Hi'j is abselut niet in staot ien en aander te regelen. Hi'j is een sjachelder, een dikdoenderig feguur die mit interessaantdoeneri'je in de geunst perbeert te kommen bij rieke meensken.

Van Catering het hi'j echt gien keze eten en zien temperamentvolle kerakter en zien angeboren lompighied gooien nogal wat roet in zien eten.

Bas-Jan: (plm. 14/18 jr) Een zaekeman in de doppe. Hi'j is bertaol en eigenwies en verveelt him dood tussen de volwassenen mit wie hi'j ommegeon moet. Hi'j is veural doende mit geld en et doen van zaeken. Zien mobieltien is zien belangriekste insterment. En as zaekewaornemer van zangeres Fleur daenkt hij hoge ogen te gooien.

Prescilla: (plm. 35 jr) De manzieke vrijgezelle zus van de rieke zaekeman Paul Laarmans. Presciel is de hieltied doende mit heur uuterlik, heur kleraosie en de manluden om heur henne. Woont in bij de familie, die heur et liefste zo rap meugelik verdwienen zicht. Lichtelik stoord, mar komt ok niet onprettig over.

- Fleur: (plm.20jr) Et op et eerste gezicht niet zo slimme ienige passenielslid van Ed. Mar al rap blijkt dat ze heur zaeken ok wel weer wet te regelen. Beter as heur baos in ieder geval. Ze zicht een loopbaene in de catering niet zo zitten. Liever wil ze zangeres wodden. Daor krigt ze die aovend de kaans veur.
- Deborah: (plm. 40 jr.)Wat al te zaekelik vrommes. Komt nog al eigenwies over. Ze stelt slim hoge eisen an alles en iederiene en lat heur deur niks en gieniene van de wieze brengen. Allierend heur schoonzuster is heur een doom in 't oge. Daoromme zal ze d'r alles an doen om van heur of te kommen.
- Paul: (plm.40jr)Kei hadde zaekeman en zodoende iene van de rieksten van Nederland. Hiel wat meensken bin op zien geld en macht uut mar dat deert him niet. Kan slecht nee zeggen tegen zien spilzochtige familie.
- Bertje: (plm. 55 jr) Optrommeld deur Ed as uutbreiding van zien passenielsbestand. Abseluut dom en onkundig. Op et eerste gezicht niet iene die uutaendelik de aovend redden gaon zal.

Heur now es lieverd, ik heb je neudig...

Nee, nee, ik vraogje niet om mit me te trouwen, ik heb je neudig... Je moe 'n me helpen, mit happies en draankies... Ik bin tegenwoordig caterer . . .

(Et stok speult him of in de keuken van de riekefamilie Laarmans. In et huus van defamilie wodt die aovend een grootse receptie hollen waor alderhaande rieke en belangrieke gaasten heur opwachting maeken zullen. Et bedrief dat in de aarm neumen is om tiedens et feest de catering te verzorgen kan disse eerste grote opdracht niet echt an. Starker nog, de caterer is abseluut niet bij machte ien en aander te regelen. Hi'j is een sjachelder, een opblaozenfeguur die mit dikdoenderije en interessaantdoenderi jeperbeert om bi'j de rieke meensken in de geunst te kommen. Van catering het hi'j hielendal gien verstaand en zien oplopende karakter en zien angeboren lompighied gooien nog al es roet in et eten. Mar tussen de riekefamilie en heur hoge gaasten bin ok een tal vremde types. Bi'j et opgaon van et doek komt de cateraar, Eduardo ofwel Ed, de keuken binnen, waor de zeune van defamilie krek een greep in de koelkaaste dot.)